

**ҚОЖА АХМЕТ ЯСАУИ АТЫНДАҒЫ ХАЛЫҚАРАЛЫҚ ҚАЗАҚ-ТҮРІК
УНИВЕРСИТЕТІ
ЖАРАТЫЛЫСТАНУ ҒЫЛЫМДАРЫ ФАКУЛЬТЕТІ
БИОЛОГИЯЛЫҚ ЖӘНЕ САБАҚТАС ҒЫЛЫМДАР ДАЯРЛАУ БАҒЫТЫ
БОЙЫНША
АКАДЕМИЯЛЫҚ КОМИТЕТ МӘЖІЛІСІНІҢ**

№2 ХАТТАМАСЫ

Түркістан қаласы

26.12.2025 ж.

Қатысқандар: АК төрағасы–аға оқытушы Бабаева Г.А.; АК мүшесі, академиялық персонал–аға оқытушы Абишова Г.У., АК мүшесі, академиялық персонал – техн.ғ.к., доцент Ибрагимова Э.Қ., АК мүшесі, академиялық персонал – б.ғ.к., доцент Абдраимова Қ.Т., АК мүшесі, жұмыс беруші өкілі – Кенжалиев А.Т., АК мүшесі, білімгерлер өкілі – Қалдан А.

КҮН ТӘРТІБІНДЕ:

1. Әр ББ өзіндік бағалау жүргізу:

- Атамекен рейтингісіне қажетті құжаттарды дайындау;
- соңғы 3-5 жылда ББ қатысқан рейтинг нәтижелері;
- Қазақстандық, шетелдік жетекші университеттермен серіктестік жұмыстар нәтижелері;
- жұмыс берушілермен, мемлекеттік билік органдарымен, бизнес өкілдерімен байланыс нәтижелері;
- сауалнамалар білімгерлердің, жұмысберушілердің, түлектердің, басқа да қызығушы тараптардың нәтижелері;
- білімгерлердің контингентін қалыптастыру нәтижелері;
- түлектердің жұмысқа орналасу нәтижелері.

2. ББ аудитін жүргізу және алынған нәтижелер бойынша шешімдер қабылдау.

3. Қараша-Желтоқсан айларында атқарылған іс шаралар нәтижесін талдау

Тыңдалды:

Бірінші мәселе бойынша АК төрағасы Бабаева Г.А. Күн тәртібіндегі сұрақтармен таныстырды. Қазақстан Республикасының Ұлттық кәсіпкерлер палатасы «Атамекен» ұйымдастырған **2025 жылғы білім беру бағдарламалары рейтингісінің** қорытындысы бойынша **6B05146 «Биология»** білім беру бағдарламасы **14-орынға**, ал **6B05169 «Биотехнология»** білім беру бағдарламасы **16-орынға** ие болды. Аталған рейтинг жоғары оқу орындарының білім беру бағдарламаларын **еңбек нарығындағы сұраныс деңгейі мен сапа көрсеткіштері** негізінде бағалауға бағытталған және білім беру сапасын **объективті талдаудың нәтижесі** ретінде жарияланады.

6B05146 «Биология» және 6B05169 «Биотехнология» білім беру бағдарламалары бойынша ұлттық «Атамекен» рейтингісінің **критерийлері мен олардың үлес салмақтары бекітілген әдістемеге сәйкес** айқындалды. Атап айтқанда, **«Түлектердің мансаптық болашағы»** блогының үлес салмағы **47,0%** болып, ол түлектердің жұмысқа орналасу деңгейін, жұмыс іздеу мерзімін және медиандық жалақы көрсеткіштерін қамтыды.

«Білім беру бағдарламасының сапа көрсеткіштері» блогы **24,0%** үлес салмақпен бағаланып, білім беру бағдарламасын әзірлеу және жұмыс берушілермен келісу үдерісі, профессор-оқытушылар құрамының практикалық тәжірибесі мен жетістіктері, бағдарламаның аккредиттелуі және мазмұнын бағалау критерийлері негізінде сараланды. **«Білім беру бағдарламасының жетістіктері»** блогының үлес салмағы **16,0%** болып,

академиялық ұтқырлық, білім алушылардың ғылыми-кәсіпкерлік бастамалары, магистратурада немесе резидентурада оқуын жалғастырған түлектердің үлесі, білім беру бағдарламасына қабылданған талапкерлердің ҰБТ орташа балы мен шетелдік студенттердің үлесі көрсеткіштерін қамтыды.

Сонымен қатар, **«ЖЖОКБҰ жалпы көрсеткіштері»** блогы **11,0%** үлес салмақпен студенттер мен оқытушылар арақатынасы, дәрежелі оқытушылардың үлесі, бір студентке шаққандағы шығындар көлемі және профессор-оқытушылар құрамының медиандық жалақысы критерийлері бойынша есепке алынды.

6B05146 «Биология» және 6B05169 «Биотехнология» білім беру бағдарламаларының ұлттық «Атамекен» рейтингісіне қатысуы үшін қажетті құжаттар **бекітілген нұсқаулық талаптарына сәйкес** дайындалды. Құжаттар түлектердің әртүрлі санаттары бойынша (бала күтімі немесе декреттік демалыста болған, мүмкіндігі шектеулі, мерзімді әскери қызметке шақырылған, шетелде оқитын немесе жұмыс істейтін, шетелдік түлектер, магистранттар, ересек жастағы түлектер, күштік құрылым қызметкерлері) **растайтын құжаттармен толық қамтамасыз етілді**. «Түлектердің мансаптық болашағы» блогы бойынша рейтингке енгізілмейтін санаттар белгіленген талаптарға сәйкес есепке алынды.

Аталған блок аясында көрсеткіштерді қалыптастыру **бекітілген әдістеме негізінде** жүзеге асырылды. Атап айтқанда, тұрақты жұмыспен қамту көрсеткіші қатарынан кемінде үш ай тұрақты зейнетақы аударымдары бар түлектердің үлесі арқылы, жұмысқа орналасу деңгейі – бакалавриаттың күндізгі бөлімін аяқтаған түлектердің жұмысқа орналасқан пайызы арқылы, медиандық жалақы – оқу аяқталғаннан кейінгі түлектер табысының медиандық мәнін өңірдің ең төменгі күнкөріс деңгейімен салыстыру арқылы есептелді. Сондай-ақ жұмыс іздеу ұзақтығы ЖЖОКБҰ-дан шығарылған сәттен бастап алғашқы тұрақты зейнетақы аударымдарына дейінгі кезең негізінде анықталды. Шартты жұмыспен қамту көрсеткіші есептік кезеңдегі алғашқы екі үздіксіз зейнетақы аударымдарына сүйене отырып айқындалды, ал есептеулерде тұрақты және тұрақты емес негіздегі барлық зейнетақы аударымдары толық қамтылды.

«Атамекен» рейтингісінің **«Білім беру бағдарламасының сапа көрсеткіштері»** блогы шеңберіндегі бағалау да бекітілген әдістемеге сәйкес жүргізілді. Білім беру бағдарламасын әзірлеу және жұмыс берушілермен келісу көрсеткіші жұмыс берушілердің қатысуымен, олардың ұсыныстары мен сұраныстарын ескере отырып қалыптастырылды және 2023–2024 оқу жылына арналған білім беру бағдарламасы, ЭПК материалдары, сараптамалық қорытындылар мен сауалнамалар арқылы расталды. Профессор-оқытушылар құрамының сапасы тиісті сала бойынша соңғы 15 жыл ішінде кемінде 12 ай практикалық жұмыс тәжірибесі бар оқытушылар туралы анықтамалар негізінде айқындалды. Білім беру бағдарламасының аккредиттелуі қолданыстағы мамандандырылған аккредиттеу сертификаттарымен дәлелденді, ал бағдарламаның мазмұны жұмыс оқу жоспарлары мен тәуелсіз сарапшылардың бағалары негізінде бағаланды. Сонымен бірге, ПОҚ жетістіктері республикалық және халықаралық деңгейде танылған, соңғы он жыл ішінде «ЖОО үздік оқытушысы» және «Үздік ғылыми қызметкер» атақтарын алған штаттық оқытушылар үлесі арқылы анықталды. Барлық көрсеткіштер тек талаптарға сәйкес келетін және тиісті құжаттармен расталған материалдар негізінде есепке алынды.

«Білім беру бағдарламасының жетістіктері» блогы бойынша көрсеткіштер де әдістемелік талаптарға сай қалыптастырылды. Магистратурада оқуын жалғастырған түлектердің үлесі ЖЖОКБҰ анықтамалары мен қабылдау туралы бұйрықтар негізінде есептелді. Академиялық ұтқырлық бойынша студенттер болмағандықтан, бұл көрсеткіш толтырылмады. Шетелдік студенттердің үлесі қабылдау бұйрықтары мен төлқұжат көшірмелері арқылы анықталды. Білім беру бағдарламасына қабылданған талапкерлердің ҰБТ/КТ орташа балы 2024–2025 оқу жылында бакалавриаттың күндізгі бөліміне қабылданған талапкерлер деректері бойынша есептелді. Ғылыми-кәсіпкерлік бастамалардың болмауына байланысты бұл көрсеткіш есепке алынбады.

Ал ұлттық «Атамекен» рейтингісінің «ЖЖОКБҰ жалпы көрсеткіштері» блогы шеңберіндегі деректер бекітілген әдістеме негізінде калыптастырылды. ПОҚ медиандық жалақысы 2024 жылғы тамыз бен 2025 жылғы шілде аралығындағы кезеңде штаттық оқытушыларға төленген еңбекақы деректері бойынша есептелді. Студенттер мен оқытушылар арақатынасы білім алушылар саны мен штаттық ПОҚ санының қатынасы арқылы анықталды. Дәрежелі оқытушылардың үлесі ғылым және жоғары білім саласындағы уәкілетті орган берген немесе таныған ғылыми дәрежелер мен атақтарды растайтын құжаттар негізінде айқындалды. Бір студентке жұмсалатын шығындар көлемі 2024 күнтізбелік жылға арналған кітапханалық қор мен бағдарламалық қамтамасыз етуге бағытталған шығындарды ескере отырып есептелді. Барлық көрсеткіштер бекітілген нысандарға сәйкес толтырылып, растайтын құжаттармен қамтамасыз етілді, ал талаптарға сәйкес келмейтін материалдар есепке алынбады.

АК мүшесі, академиялық персонал – Абдраимова Қ.Т. – б.ғ.к., доцент:

Қожа Ахмет Ясауи атындағы Халықаралық казак-түрік университетінің 6B05146 «Биология», 6B05169-Биотехнология білім беру бағдарламалары соңғы жылдарда ҚР ҰҚП «Атамекен» өткізген білім беру бағдарламалары рейтингтеріне жүйелі түрде қатысып келеді. 2024 жылы 6B05146 «Биология» білім беру бағдарламасы 20 қатысушы бағдарламадан 15-ші орынға ие болған, ал 6B05169-«Биотехнология» 18-ден 14-ші орынға. Атамекен Рейтинг 2025 жылғы рейтинг нәтижесі бойынша 6B05146 «Биология» 17 бағдарламадан 14-ші орын иеленді, сәйкесінше 6B05169-«Биотехнология» 19-дан 16-ға, яғни айтарлықтай өзгеріс болмағаны байқалады. Бұл динамика оқу процесінде, практикалық бағытта және түлектердің нәтиже көрсеткіштері бойынша көп жұмыс жасау қажеттігін көрсетеді, және алдағы уақытта білім беру бағдарламасын түбегейлі қарап, оңтайландыру шараларын жасау қажет екенін көрсетіп отыр.

АК мүшесі, академиялық персонал – аға оқытушы Г.Абишова:

Рейтинг нәтижесі аса қуантарлық болмағанымен 6B05146 «Биология» және 6B05169-Биотехнология білім беру бағдарламаларында соңғы жылдары үміткерлердің саны тұрақты түрде 45-50%-ға артқан, қабылданған студенттердің сапалық көрсеткіштері де (ҰБТ/КТ балдары) жоғарылаған, алтын белгімен түскен студенттерді есепке алғанда. 6B05146

«Биология» білім беру бағдарламаларына түскен білімгерлердің контингенті еңбек нарығы мен академиялық талаптарға сәйкес іріктелген. Бағдарлама түлектері еңбек нарығында жоғары сұранысқа ие болып, жұмысқа орналасу деңгейі тұрақты түрде жоғарылауда.

АК мүшесі, академиялық персонал – техн.ғ.к., доцент м.а. Э.Ибрагимова:

6B05146 «Биология», 6B05169-Биотехнология білім беру бағдарламалары бойынша ішкі аудит жүргізілді, нәтижелері оқу бағдарламасының сапасын, практикалық бағыттарын және түлектердің еңбек нарығына сәйкестігін бағалауға мүмкіндік берді. Аудит қорытындылары негізінде бағдарламаны жетілдіру, оқу жоспарларын жаңарту және практикалық дағдыларды күшейту бойынша нақты шешімдер қабылданды.

АК төрағасы Бабаева Г.А: Құрметті АК мүшелері, 6B05146 «Биология» және 6B05169 «Биотехнология» білім беру бағдарламалары бойынша материалдардың дайындығы ішкі аудит барысында жүргізілген құжаттық тексеру нәтижелері арқылы анықталатын болады. Қазақстан Республикасының Ұлттық кәсіпкерлер палатасы «Атамекен» ұйымдастыратын жыл сайынғы рейтингте жоғары орындарға ие болу мүмкіндіктерін қайта қарау мақсатында кешенді талдау және сараптама жүргізу, сондай-ақ білім алушылардың академиялық ұтқырлық бағдарламаларын күшейту мәселесін қарастыру қажет. Сонымен қатар, бакалавриат және магистратура деңгейлеріндегі түлектердің жұмысқа орналасу көрсеткіштері бойынша жүйелі талдау жұмыстарын жүргізу талап етіледі.

Шешім: К

Кадр даярлау нарығына талдау жүргізілсін; 6B05146 «Биология» және 6B05169 «Биотехнология» білім беру бағдарламалары бойынша институционалдық аккредиттеудің өзіндік бағалау есебі әзірленсін.

Мәжіліс төрағасы:

Г.А.Бабаева

Хатшысы:

Г.У.Абишова